



SISA CUP

Am Suntig am 7.15 Uhr hei mir üs im Neufeld troffä. Dert het no niemer gwüsst, was a däm wunderschönä Tag wird uf üs zuächo...

Äs het scho nach öpe 10 Minutä Busfahrt agfange, wo öpperem si Mage ou mau öppis het wölle sägä! Nachärä churzä Pouse isches de scho witer gangä gäge Sissach zuä.

Womer acho si, die ersti Überraschig:

Mir spile dusse ufem Tartan!!!

Nachemne churze Ilaufe heimer de scho dr ersti Match gha. Mir hei zwar nid so verteidiget wi dr Tom gärn hät gha, auso eigentlich hei mir komplett anders verteidiget, was sich aber aus guäti Idee usegstellt het. Mir hei nämlich dr ersti Match mit 8:1 gwunne. Nach öppä 1 Stund Pause isch de scho dr nächsti Match cho. Au dä hei mir mit 7:5 gwunne. Vos när langsam heiss worde isch, hei mir de üse 3 Match gha. Äs isch u heiss gsi, doch mir hei kämpft und gwunne, 6:1.

Dr letschti Match het entschide wär Cupsiger wird... Mitlerwile isches extrem heiss gsi, so heiss, das mä mängisch sini Gägespilerinnä chum me het chönnä usenand haltä, u sogar d'Trinkfläsche id Händ näh ich zurä grossä Herusforderig worde. Trotdäm heimer aues gä und mit 11:4 gwunne, was üs zum Cupsiger gmacht het.

Übrigens, dr Pris si 5kg Teigware u 3 Dose Tomatesauce gsi und ä nöiä Ball. **Äs het gfägt.**